

醫壘元祇卷第十一

趙州教授進之手

明監察御史東萊桂亭蔡才翁釋

兩淮運副西明屠本

兩淮運副姚江嚴昌

厥陰證 先足經從湯液 後手經從雜例

王朝奉厥陰例

此二條議論本出仲景傷寒論論并全置要畧故錄於此湯液後

未厥

者手足厥逆也。有陰厥有陽厥。誤投藥則死。可不

審乎。脉滑而厥者。長有寒裏有熱。白虎湯。常

器之應。云下者。宜用柴胡加芒硝湯。此陽厥也。

冷厥

熱厥

張翼云冷厥者四肢逆冷脉沉微而不數足多攣
卧惡寒或引衣自覆也其伏熱在內而厥者脉雖
沉伏按之至骨而來數也其人或引飲或揚手擲
足煩燥不得眠或發狂或大小便不利所見皆熱
證也宜隨證下之 假令大便難識語發狂宜承
氣湯下之小便不利發黃宜茵陳蒿湯下之苦喜
忌大便下黑物是兼有瘀血以朶仁承氣湯下若
發斑宜白虎湯紫雪之類若兩脉俱不見者亦止
以外證辨冷熱也後須參以脉為準 常器之云

凡厥當求得病之因若初得病便四肢逆冷脉沉
細而不數或身上粟起下利清穀或清便自調謂
大小便如常者爲寒厥也若初得病便身熱頭痛
外別有陽證至二三日乃至四五日方發厥故曰
至三四日後也更以餘證參之 孫兆云陽病深
熱而厥畢竟脉緊外證須狂語揭衣被也陰厥按
之脉沉遲而形靜也若證不明未辨陰陽者且與
四順丸試之是陽厥便見熱證若陰厥便見寒證
可漸進理中四逆也 四順丸卽理中丸加甘草

一倍是也。高保義云寒厥則證多靜而了。脉雖伏。若實按之遲而弱也。熱厥外證多昏寒脉雖伏。若實按之。須按數而有力也。

仲景吳茱萸湯 當歸四逆湯 當歸四逆加吳茱

萸湯 已上三藥並見陰證論

活人論厥陰藥 並見陰證論

正陽散

有粳
麥

霹靂散

火焰散

有厥
赤

肉桂散

有柴胡
吳茱萸

四陽丹

有茱萸
蠟

已上四藥皆有厥陰之劑。隨經所宜則可。

厥陰身青黑。死厥一條。

並見陰
證各例

古方治頭痛欲裂者。

憑此藥有
高下之分

右用當歸一兩酒一升煮取六合如心痛細末調

服方寸匕 小便出血細末酒煮服 治頭病不

言末。只言二兩酒煮意在取清也。治心痛言末酒

謂意在取濁也。乃清則行而上濁則沉而下。小便

出血酒煎細末。此之心疼又熱。欲入下極之分。故

治頭治心治小便。自有高低之別。古人已分治之。

不得不辨耳。

四物蒼朮各半湯與活血丹相表裏治四肢疼痛不能舉動
仲景治嘔而腦滿者茱萸湯主之

吳茱萸一斗 棗二十枚 生薑一斤 人參一斤

右水五升煎取三升每服一合日三如乾嘔吐涎沫而頭痛者亦主之 又南行竹枝主大小便卒

關格不通取之度如手第二指中節合之立下出

活血丹與四物蒼朮各半湯相表裏治遍身骨節疼痛有神

熟地黄三兩 當歸三兩 白朮 白芍藥 續斷

人參各一兩

右細末酒糊丸桐子大

益血丹治太便秘久虛吐血

當歸酒浸焙 熟地黄各等分

右細末煉蜜為丸彈子大細嚼酒下

四物湯例

四物湯主治並見局方

熟地黄 當歸 芍藥 川芎

右依古法多不效易老四時運氣加減例與諸六合等湯十餘條並見二十五論婦人有身傷寒畜

血不宜用墮胎藥下之、宜四物加瀉、浸大黃湯、及
生地黃下之、子母兩全、經云有故無損也、四物與
紫蘇飲相合、名補心湯、治虛熱、四物與調胃承氣
各半、爲玉燭散、四物與理中湯各半、流濕潤燥、四
物與縮砂、四君子湯各半、名八珍湯、保胎氣、令人
孕、

四物膠艾湯治胎漏血崩不止

四物湯加阿膠甘草艾

右通七味治諸漏不止、小產胎傷、產後餘血、仍作

堅硬、子宮不閉、淋血不止、數月不定、宜斷血湯、牡
丹皮散主之、

活人四物加減例

妊婦下血者、加膠艾、熱與血相搏、口舌乾渴、飲

水、加括蔞麥門冬、腹中刺痛、惡血不下、加當歸

芍藥、血崩者、加地黃、蒲黃、黃芩、頭昏項強者、

加柴胡、黃芩、因熱生風者、加川芎、柴胡、防風、

臟秘澀者、加大黃、杏仁、滑泄者、加官桂、附子、

嘔者、加白朮、人參、生薑、大渴者、加知母、石膏、

發寒熱加薑牡丹皮芍藥柴胡水停心下微吐
逆者加猪苓茯苓防已虛寒似傷寒者加人參
柴胡防已

潔古老人加減法數條並見二十五論雲歧子加減
法并治傷寒例並見金匱玉函經

四君子湯合四物湯爲八珍湯

治女子不孕癯閉遺溺嗑乾女子因服熱藥嗑乾
者亦吐血損氣之所致也宜八珍湯

人參 縮砂 白茯苓 甘草

麤末水煎服清

芎歸湯

易簡十全大補湯與
校正同並見局方

治產後去血多崩中不止去血多金瘡破傷去血
多牙齒去血一切傷心懸眩暈目暗耳聾舉頭欲
倒

當歸 川芎 各三兩

右水四升煮取二升去渣分作二盞血定後次第
湯藥治之

保安湯

縮砂 甘草 與四物湯各半是也
四君子湯

人參 白朮 茯苓 甘草

右四君子湯當在太陰證後條下 四君子湯加

半夏附子桂為大半夏湯 四物加桂湯與海藏

黃耆湯各半同十全散加桂附子芍藥為附子湯

百合四君子湯治老弱虛人不能眠 易老八

物湯並見證二十五條黃芩芍藥湯治血不止

四物膠艾湯藥內有甘草 易簡芎歸湯 產婦

諸證各隨六經以四物湯與仲景藥各半服之其

效如神四物湯與桂枝麻黃白虎柴胡理中四逆

茱萸承氣涼膈等皆可作各半湯 此易老用藥

大畧

當歸地黃丸 安胎 補虛

當歸 酒浸 地黃 酒煮

蜜丸桐子大酒下食前

四物二連湯

治男子婦人五心煩熱或因傷酒或因產亡血或

勞虛發熱之並治之

四物湯加黃連 胡黃連各等分

右咬咀每服三錢水二盞煎至八分溫飲清或為細末蜜丸桐子大每服二十九臨卧溫水下地黄須用生者

四神散治婦人血氣心腹痛不可忍者

當歸 芍藥 川芎各一兩 乾薑炮半兩

右細末熱酒調服三錢

二補丹治婦人男子便溏久虛氣血俱虛

蒼朮 熟地黄等分

右細末蜜丸桐子大空心酒下

地黄膏子煎

十月採地黄二十五斤取自然汁以木炭火一十八斤熬成膏點服與蒼朮煎合點服尤佳

真降心丹並見局方

易簡增損四物湯

治婦人血氣不足四肢怠惰乏力少氣兼治產後下血過多榮衛虛損陰陽不和乍寒乍熱並宜治

之

當歸 川芎 芍藥 人參 乾薑

甘草 各等分

右咬咀每服四錢水一盞煎至六分去渣溫服若產後寒熱腹中刺痛則有敗血當服五積散醋煎及大聖散之類若所下過多猶有刺痛亦宜服上二藥 一方治經血凝滯腹中血氣作夜用四物湯加白朮官桂等分名六合湯 一方治下血不止及妊婦胎動加熟艾乾薑甘草阿膠黃芪等分

名膠艾湯 一方治血痢加膠艾 治產後血暍

口乾煩渴加括萋麥門冬 煩熱小便澁大便秘

加大黃棗仁兩脅脹加厚朴枳實虛煩不得睡加

竹葉人參大渴煩燥加知母石膏 一方治婦人

血虛心腹疝痛不可忍者去地黃加乾薑各四

神湯 大率產後不問下血多少須日進黑神散

三服下血少者以大聖散間之至二臘以後腹內

若急疼痛方服四物湯建中湯之類若早服之則

補住敗血為後患不淺黑神大聖非逐血藥但能

推陳致新，多服不妨。今人往往疑其逐血性寒，則不存其用藥可見矣。若惡血去多，徐徐補之，亦不爲晚。不可姑息以貽後患。且如古方用四順理中，凡爲產後進食之劑，既用蜜丸，又倍甘草，甘甜特甚，豈能快脾，不若只用理中湯，少損甘草，素有痰飲者，二陳湯之類，服之爲佳。且如姪婦惡阻，古方有茯苓丸，內有地黃、竹茹、川芎、葶，能定嘔服之，則愈見增懷。大抵惡阻皆由素有痰飲以致之，可用二陳湯改名小茯苓湯用之，極效，不可不知也。

易簡芎歸湯

治一切去血過多，眩運悶絕，不省人事，傷胎去血，產後去血，崩中去血，拔牙去血，金瘡去血，不止者，心煩眩暈，頭重目暗，耳聾，舉頭欲倒，悉能治之。

川芎

當歸各等分

右咬咀，每服四錢，水一盞，半煎至七分，去渣，熱服，無時。若產後眩暈，宜加芍藥服之，不因去血過多，則是痰飲眩暈，各用二陳湯、四七湯之類，各見本方。芎歸湯其名甚多，一名桂香散，治產後。

腹痛不可忍者加官桂等分酒與小便合煎服之立効 一名當歸湯治妊婦或子死或不死胎動每服用水酒合煎連進數服胎若已死服之即下若未死者其胎即安此藥累用之萬無一失 一方佛手散治產後胎前腹痛體熱兼治產後諸疾逐敗血生新血 一方羊肉湯治虛損羸之腹中疼痛往來寒熱吸吸少氣不能支持頭眩自汗腹內搏急每服加精羊肉一兩生姜十片水二盞煎至六分 一名琥珀散臨用服之則縮胎易產

萬口君臣散治室女婦人心腹疼痛經脉不調用水煎服 妊婦胎氣不安產後諸疾加酒煎服 難產倒橫子死腹中先用黑豆一大合炒熟水與小便同煎連進數服即効 產後多用百草霜香白芷等分爲末每服二錢童子小便好醋各一合沸湯浸服一服見效甚者兩服以分晚矣 一法五積散加醋煎服亦能催生產後惡血注心迷亂喘急心脇作痛亦用黑豆加生薑自然汁半合煎服此兼治腸風臟毒每服加槐花末半錢服之三

日取下血塊卽愈吐血亦宜服產後頭痛加荆芥煎 若崩中漏下失血過多少不能止服煎藥不效者用香附子炒去皮毛每服一兩入甘草一錢沸湯點服仍用震靈丹間之 有白帶者加芍藥半兩則以白丹間之 一法治赤白帶下用芍藥乾薑等分爲末米飲調下久久服之皆能作效 或謂香附子耗氣則不然此藥資血養氣婦人之仙藥雖羸劣之人尤宜服之

易簡熟地黃丸

與校正同主治脩製並見局方

白芍藥散

治婦人赤白帶下 臍腹疼痛宿神

白芍藥

兩

乾薑

兩半

右爲細末每服三錢空心溫米湯調下晚又進一服十日作效

溫六湯

四物湯加羌活等分 一本加白朮茯苓 海藏

又正上五味只爲蒼朮相拌治諸痛有神

又方與白朮相拌和

天麻

茯苓

穿山甲

右別爲細末酒煮或調服亦可

羌活龍膽湯

治目赤暴發雲翳疼痛不可忍

右四物各半兩加

羌活

防風各三錢

草龍膽

防已各二錢

不犯鐵器杵爲細末水煎服

地黃膏子丸

治男子婦人臍下奔豚氣塊小腹疼痛卵痛即控
罌相似或微腫陰上腫心腹不可忍者宜煎此藥

血竭

沉香

木香

廣茂故

玄胡

蛤蚧

人參

當歸

川練麩

芍藥

川芎

續斷

白朮

全蝎炒

柴胡

茴香炒

沒藥

已上分兩不定

隨入加減用之

多氣者加青皮陳皮多血者加肉桂吳茱萸

右同爲細末地黃膏子丸桐子大空心温酒下二

十九每日加一九加至三十九

神方驗胎散

婦人三三箇月經血不行疑似雙身却疑血滯心
煩寒熱恍惚此藥可驗取之內也外以身病急邪

脉素問脉推之十得八九矣

真雀腦芎一兩

當歸全用重兩

右二味為細末分作一服濃煎好艾湯一盞調下
或好酒調服亦得可待三兩箇時屢間覺臍腹微
動仍頻卽有胎也動罷卽愈安穩而無虞如不是
胎卽血滯惡物行過母亦安也如服藥後不覺效
再煎紅花湯下必有神效

靈苑丹

治婦人血脈經
住三月驗胎法

真川芎不以
多水

右為細末濃煎艾湯下一七

腹內微動是有胎

也

治崩不定或淋漓年久者

白礬

溶開成
汁一兩

沒藥一錢

硃砂半錢

黃丹半錢

右件將白礬溶開成汁下餘藥細末一處攪勻就
成丸子如彈子大每服一丸新綿裹定內陰中立
效

歸人月事不至是為胎閉為血不足宜服四物湯婦
人崩者中是為血有餘也亦服四物湯者何也答曰

婦人月事不至者，內損其源，不能生，故胞閉不通。是血不足，宜服四物湯。是益源和血之藥也。婦人崩中者，是血多也，暴損其原，是火逼安行，涸竭爲枯，亦宜四物湯。是潤燥益原之藥也。

素問曰：諸水病者，故不得卧，臥則驚驚，則欬甚也。腹中鳴者，病本於胃也。薄脾不煩，則能飲食不下者，胃脘膈也。身重難入行者，胃募在足也。月事不來者，胞脉閉也。胞脉雖屬心，而絡於胞中，令氣上逼，肺心氣不得下通，故月事不來也。

易簡惺惺散

治見前
太陰益

卽四君子湯加木香、藿香

乾薑

治小兒泄瀉，胃熱煩渴，不問陰陽，此一法與錢氏意同。實則泄其子，上逆行而南，故白朮茯苓之類。

保安湯

治藥其揭刺
胎動不安

黃芩

縮砂

酒水煎服

海藏當歸丸

治三陰受邪，心膈小腹疼痛，黃芩等

右四物湯各半兩，加防風半兩

獨活

半兩

續斷

兩

全蝎

半兩

苦練

七錢

玄胡

七錢

木香一錢半

丁香二錢半

茴香一兩

同為細末酒糊丸空心温酒下三五十大效

易簡酒者當歸丸

主治並見活法機要

千金白朮丸

治經水適來適斷多少不勻淋漓不斷臍腹腰痛

虛弱不食經水或青黃黑色水木肢體沉重

白朮 白石脂 牡蠣 禹餘糧 烏魚骨

龍骨 細辛各二錢 當歸 茯苓 乾薑

黃連 桂心 人參 瞿麥 石葦

白芷 白欬 附子 甘草各四錢芍藥四錢

細末蜜丸桐子大空心酒二十九日進三服至候

來時日四五服

加減白朮丸

前藥內加

藜本 甘草 大黃各二兩

若十二癥倍

牡蠣 禹餘糧 烏魚骨 白石脂 龍骨

若九痛倍

白欬 甘草 當歸 黃連

若七害倍

細辛 藁本 甘草 花椒 茱萸

若五傷邪者倍

大黃 石葦 瞿麥

若三痼倍

人參 白礬 巴戟 赤石脂 各二分

右各隨證加減主治並見金匱

十全博救方 治橫生
產難

蛇皮一條瓶子內盪泥固濟燒黑存性每服二錢

榆白皮湯調服立效

產書云治產不順手足先見者蛇皮燒灰研面東酒

服一錢 更以藥末傳手足即順生也

王紹顏信効方云頃年得腰膝痛不可忍醫以腎風
攻刺諸藥不効見傳信方有此驗立製一劑神效
故錄之

海桐皮 二兩 牛膝 一兩 川芎 一兩 羌活 一兩

地骨皮 一兩 甘草 半兩 五加皮 一兩 薏苡仁 一兩

生地黃 十兩

右九物淨洗焙乾細剉生地黃以蘆刀子切用綿
一兩都包裹入無灰酒二斗浸冬二七日夏七日
候熟空心飲一杯或控乾焙末蜜丸亦得

苦練丸

治奪脉小
腹痛神效

川練子

茴香 各二兩

附子 一兩焙
去皮

右三味酒二升煮盡為度焙乾細末之每秤藥味
一兩入玄胡索半兩全蝎一十八箇炒丁香一十
八箇別為末二味勻酒糊丸桐子大温酒下五十
先空心服痛甚加當歸煎酒下

茴香湯

茴香

九錢
二分

苦練 三錢
二分

甘草 一兩
一錢

塩 一兩
七錢

一分
巴上

陳皮 二錢二分
去白穉

右細末空心點服

四聖散

茴香

炒

苦練 炒
熨

全蝎 炒

胡椒 量情
加減

右細末塩湯點服一法加玄胡木香寒者加桂附

又方破聖散

破故紙

二兩

蘿蔔子

一兩

右細末皂角子丸桐子大塩湯下三五十九

茴香散

茴香

一劑

巴豆

七箇去皮油

右二味同炒茴香黃色去豆不用好紙上鋪藥以盆合之一宿去火毒爲末每服三錢酒調下酒糊丸亦得

錢氏捻頭散

又茴香丸茴香良薑肉桂蒼朮酒糊丸

仲景療狐疝氣偏有大小時時上下者蜘蛛散主之

方

蜘蛛

十四枚焦炒

桂

半兩要人厥陰取其肉厚者

右爲散每服一錢七蜜丸亦可

雷公云凡錢

蜘蛛

用五色者兼身上有刺毛生者并薄小者已上並不堪用凡須屋西南有網身小尻大腹內有蒼黃膿者真也凡用去頭足了碾如膏投藥中用此除方之法若仲景炒焦用全無麩陶居士云取其網着衣領中辟忌詩蠪蠪戶庭正謂此也千金治人心孔昏塞多忘喜誤七月七日取蜘蛛着衣

領中勿使人知則永不忌也。狐之各夜伏而晝見。以其疝氣處厥陰中分。即人之陰募隱奧之所。故以狐疝名焉。疝即病之名。卵即其名也。經亦以控卵稱之。又作凡腫呼之。太陽受寒。血凝爲瘕。太陰受寒。氣聚爲疝。小兒疝氣偏大如石。厥陰之分。亦太陰主之。故帶之爲病。太陰主之。以灸董門。

三穴麥粒大各三壯效。

集驗方

治男子陰腫如斗大并核腫痛人所不能者

右蔓青根搗傳之腫處

八風五痺

黃帝問曰。風之傷于人也。或爲寒熱。或爲寒中。或爲熱中。或爲厲風。或爲偏枯。或爲風也。其病各異。其名不同。或內至五臟六腑。不知其解。願聞其故。岐伯對曰。風氣藏於皮膚之間。內不得通。外不得泄。風者。善行而數變。腠理開則灑然寒。閉則絕熱而悶。其寒也。則褰衣食飲其熱也。則消肌肉。故使人怯慄而不能食。名曰寒熱。風氣與陽明入胃。循脉而上。至目內眦。其人肥則風氣不得外瀉。爲熱而

自黃人瘦則外泄而爲寒中而泣出。風隨四時各入五臟爲名各入其門戶所中爲偏風。風氣循風腑而上爲腦風。風入系頭爲目風。眼寒。入房汗出中風爲內風。飲酒中風爲漏風。新浴中風爲首風。在外腠理爲泄風。久風入中爲腸風發泄。肺風多汗惡風時欬短氣暴甚晝差診在眉色白。心風焦絕善怒言不可快診在口色赤。肝風善悲色蒼藍乾憎女子診在目下色青。脾風怠惰四肢不欲動不嗜飲食診在鼻色

黃。腎風面龐然浮腫脊痛不可正立隱曲不利診在肌色黑胃風頭汗多惡風飲食不下膈塞不通腹滿失衣食寒則泄診在形衰而腹大。首風頭面多汗惡風先一日病甚頭痛至其風日却少許。漏風多汗不可单衣食則汗出身體自汗惡風衣濡渴不柰勞也。泄風多汗惡風汗出泄衣口乾上漬風不能勞事身盡疼痛則寒。古中風之病至而治之湯泄十日以去八風五痺之病。八風謂八方之風五痺謂皮肉筋骨脈之痺也。

五痺
皮肉筋
骨脈

靈樞經曰風從東方來名曰嬰兒風其傷人也內舍於肝外在於筋 風從東方來名曰弱風其傷人也內舍於胃外在於肌 風從南來名曰大弱風其傷人也內舍於心外在於脈 風從西南來名曰謀風其傷人也內舍於脾外在於肉 風從西方來名曰剛風其傷人也內舍於肺外在於皮 風從西北方來名曰折風其傷人也外在於手太陽之脈內舍於小腸 風從北方來名曰大剛風其傷人內舍於腎外在於骨 風從東方來名曰凶風其傷人也內舍於大腸外在於腋脅又脾論曰以春甲乙日傷於風者為筋痺以夏丙丁日傷於風者為脈痺以秋庚辛日傷於風者為皮痺以冬壬癸日傷於風者為骨痺以至陰遇此者為肉痺此所謂八風五痺之病也

釋新校正云按此註引痺論今經中痺論不如此當去風論曰以春甲乙日傷於風者為肝風以夏丙丁日傷於風者為心風以季夏戊巳日傷於風者為脾風以秋庚辛日傷於風者為肺風以冬壬

癸日傷於風者爲腎風。痺論曰：風寒濕三氣雜

至合爲成痺。以冬遇此者爲骨痺，以春遇此者爲

筋痺，以夏遇此者爲脉痺，以至陰遇此者爲肉痺。

以秋遇此者爲皮痺。氣血云：帝曰：餘已知風穴

之處，游針之居。願聞孫絡谿谷，亦有所應乎？岐伯

曰：孫絡三百六十五穴，會亦有應。一歲有溢，奇邪

以通榮衛稽留，衛散榮溢，氣竭無着，外爲發熱，內

爲少氣，疾瀉急，以通榮衛，見而瀉之，其間所會

帝曰：願聞谿谷之會。岐伯曰：肉之大會爲谷，小

會爲谿，肉分之間谿谷之會，以行榮衛，以會大風

邪，溢氣壅，脉熱內敗，榮衛不行，必將爲膿，肉消骨

髓外破，大脈流於節，膝必將爲敗，積寒留舍，榮衛

不屈，卷內縮，筋肘不得伸，內爲骨痺，外爲不仁。

命曰不足，大寒留於谿谷也。谿谷三百六十五穴

會亦應一歲，其小痺淫溢，循脉往來，微針所及，與

法同源。痺在皮寒，在脉血凝，在筋屈不伸，在骨重

在肉不仁，在皮膚易已，在筋骨疼，入腸則死。陽多

陰少爲熱痺，陰多陽少爲寒痺。陽少陰盛，汗出爲

熱痺
寒痺

濡肌痺至陰遇此也。五痺不已，重感於邪，內舍於臟。各有所歸，淫溢之氣，妄行隨臟所主，而入爲痺也。行痺風勝，周痺執着，痺濕勝，痛痺寒勝，諸痺不已。邪盡內也。下有胞痺等當在此下。

八風五痺

筋痺春遇

脉痺夏遇

皮痺秋遇

骨痺冬遇

頭風

腦風

迎風發大寒，腦痛漏風，酒消。

瘟風成癩

伏梁爲風根

寢汗憎風

胞痺

腸痺

執痺當在五痺下

四時之正氣，八節之風來朝。天乙風氣安靜，乃邪利經脉，調血氣，故曆志云：八節前後各五日，不可灸刺。風朝太乙，具見天元玉冊。八正者，所以候八風之虛邪，以時至者也。

四時者，所以分春夏

秋冬之氣，所以在時調之。八正之虛邪，而避之物，犯也。以身之虛，逢天之虛，兩虛相感，其氣至骨，入則傷五臟。故曰：天息，君子不可不知也。海藏云：豈特八風而已。凡遇七十二候中，諸節候之氣，寒暑溫涼，應爾其變異，常者可避忌之。酒濕之爲

病亦能作痺證。口眼喎斜。體曼半身不遂。渾似中風。舌語不正。當泄濕毒。不可作風病治之。而苦汗也。衍義所論甚當。易簡所言與此相同。見參蘇飲條下。

八風散

治八風十二痺。猥腿痺。半身不遂。節痛皮癢。筋緩急痛。不在一處。目眩失神。恍惚妄言。身上痞癩。面上庖起。黃汗。洩。燥濕不等。顏色乍赤。乍白。乍青。乍黑。乍寒。乍熱。身反張。一切等證。

麻黃

白朮

各一斤 括蕪根

甘草

蔓荊

天雄

白芷

防風

芍藥

石膏

天門冬

各十兩

羌活

二斤

黃芩

一斤 玉兩

山茱萸

食茱萸

二斤

躑躅花

二斤

茵陳

十四兩

大黃

半斤

細辛

乾薑

桂心

各二兩

丹參

雄黃

硃砂

各一兩 另煨

右二十五味爲散。酒服。方寸匕。日一服。一月後。再

五十日。覺一日日差一歲。可常服。先食

患熱風者。先治熱毒。治四肢不收。不能用力。失神不

知人合三汁法

竹瀝汁

生葛汁

各一升

生薑汁

合三

右三味相合，溫暖分三服，平旦日晡各一服，訖覺四肢有異，風疾人多慾者，加薏苡仁、人參，不能屈伸者，加牛膝。文潞公藥準所載外臺荆瀝竹瀝法，并大續命後竹瀝法，並見前。

四季之風，其傷人也，各舍本藏，先外後內。難經云：妄不受邪者，乃是也。

金匱要略中風歷節病脉證治

後代明醫諸書所說皆取此為法

夫風之為病，半身不遂，或但臂不遂者，此為痺脉微數，中風使然。寸口脉浮而緊，緊則為寒，浮則為虛。寒則搏，邪在皮膚；浮者血虛，脉絡空虛，邪賊不瀉，或左右邪氣反緩，正氣即急，正氣引邪，喎僻不遂，邪在於絡，肌膚不仁，邪在於經，即重不勝，邪入於臟，則不識人，邪入於腑，則舌強難言，口吐涎沫。

侯氏黑散

外臺治風痲冷大風四肢煩重心中惡寒不足者

菊花

四分

白朮

十八兩

細辛

五分

牡蠣

燒三分

桔梗

八分

防風

十八兩

人參

三分

白礬

枯三分

黃芩

五兩

當歸

十八兩

乾薑

三分

川芎

三分

桂枝

去皮三分

茯苓

去皮三分

右十四味為散酒服方寸七日一服初服二十日温酒下之禁一切魚肉大蒜當宜冷食六十日止

卽藥查在腹中不下也熱食卽下矣冷食自能助

藥

外臺有中乳一分無桔梗

主癩癩方

此主匭風引湯也

大黃

乾薑

龍骨

各四兩

桂枝

去皮一兩

甘草

灸二分

牡蠣

燒二分

滑石

石膏

凝水石

赤石脂

紫石英

白石脂

各四兩

右十二味杵麤師以韋囊盛之取三指撮并花水三升煮三沸去粗温服一升深師云大人風強少水驚癩瘕癢日數十發醫所不治除熱方效宜風引也

防已地黃湯

治病如強狀安行獨語不休無寒熱其脉浮者

防已

一分

桂枝

去皮三分

防風

三分

甘草

灸二分

右四味咬咀以酒一杯漬之一宿絞取汁取生地

黃二斤咬咀蒸之如粟米爛餅以銅器盛其汁更絞地黃等汁和分再服

頭風摩散方

大附子

炮去皮臍

塩各等分

右二味爲散沐了以方寸七摩臍上令藥行

寸口脉浮而弱沉卽主筋浮卽主腎弱卽主肺出入

水中如水瀉心歷節黃汗出故曰歷節

跌陽脉浮而滑滑則穀氣實浮則汗自出少陰脉浮

而弱則血不足浮則爲風血風相搏卽疼如掣感

人脉滑小短氣自汗出歷節疼不可屈伸此皆飲

酒汗出當風所致節節疼身體塊癢脚腫如脫頭

眩短氣温温欲吐者以

桂枝芍藥知母湯主之

桂枝

四兩去皮

芍藥

三兩

甘草

炙二兩

麻黃

一兩去節

白朮

五兩

防風

四兩

生薑

五兩切

川子

三兩炮去皮麻

知母

四兩

右咬咀以水七升煮取三升去粗温服七合日三服

烏頭湯治歷節疼痛不可屈伸

烏頭

咬咀以蜜三升煎至一升即取烏頭

甘草

炙一兩

麻黃

去節

芍藥

黃芪

各二兩

右四味咬咀以水三升煮取一升去查內蜜煎熟
溫服七合不知再服之

治脚氣衝心方

右以礬石二兩將水一升五合煎數沸浸脚良

附方續命湯

治中風排身不能自收口不能言冒昧不知痛處

或拘急不得轉側

麻黃

三兩去節

桂枝

去皮

當歸

人參

乾薑

石膏

碎綿裹

甘草

炙各三兩

川芎

一兩

杏仁

十四枚去皮尖

右九味咬咀水一斗煮取四升去查溫服一升當

小汗薄覆被憑几坐汗出即愈不汗更服無所禁

勿當風 姚云與大續命湯同兼治婦人產後去

血者及老人小兒尤宜服 并治但伏不得卧欬

逆上氣面目浮腫古今錄驗方 范汪云是仲景

方欠兩味

三黃湯

治中風手足拘急百節疼痛煩熱心亂惡寒不下

食

麻黃

去節五分

獨活

四分

細辛

二分

黃芪

二分

黃芩

三分

右五味咬咀以水七升煮取二升去渣分溫三服

一服小汗兩服大汗心熱加大黃二分腹痛加枳

實一枚氣逆加人參三分悸加牡蠣三分渴加黏

萘根三分先有寒加附子一枚

見十金方

八味丸

治風虛頭眩苦極口不知味腹饑溫中益精氣附

子湯方見風濕中見近效治腳氣上入小腹不仁

熟地黃

八兩

薯蕷

四兩

澤瀉

二兩

山茱萸

四兩

牡丹皮

二兩

桂枝

去皮三兩

茯苓

三兩

附子

去皮臍三兩

細末練蜜丸桐子大酒下十五丸日再服加至一

十五丸

易催氏

越婢加朮湯

治肉極熱則身體津脫腠理開汗大雪厲風下焦

脚氣並治之

麻黃

去節六兩

石膏

半斤

生薑

三兩切

甘草

炙二兩

大棗

十枚擘

白朮

四兩

右六味以水六升先煮麻黃再沸去上沫內諸藥煮取三升去渣分溫三服惡風加附子一枚炮見

方金

風癘例

經云因母腹中感驚風氣而得後成人至欲壯纔發是其源也

五癘五獸

犬癘反折上竄犬叫肝也

鷄癘驚跳反折鷄叫

肺也羊癘目瞪吐舌羊叫心也

蛇癘弄舌搖

頭心也

牛癘目直視腹滿牛叫脾也

猪癘如

尸吐沫猪叫腎也

已上五癘重者死病後甚者

亦死

錢氏云大喜後食乳食多成驚癘

大哭

後食乳食多成吐瀉

服冷乳則青

食熱乳則

瀉黃

男發搐目左視無聲右視有聲

女發搐

目右視無聲左視有聲相勝故也別有發時證

炒香丸

並見局方

後有蝎稍丸

一名靈砂歸命丹

治小兒每一粒分作一十五丸每服二丸蜜水下

此治脉有方內熱無力外寒五生丸治之

鶴頂丹

硃砂丸

錢氏抱龍丸

錢氏安神丸

主治

並見本方

山藥

牙硝

龍腦

麥門冬

凝水石

東垣先生驪珠丹

治老人虛熱皮燥不食安神

人參

沉香

局方甘露丸

主治並見本條

至寶丹

活命金丹

不換金丹

蝎稍丸

軟金

丸

並見王膺大通痺本瓜後

易簡三生飲

治卒中昏不知人事口眼歪斜半身不遂咽喉作

聲痰氣上壅無問外感寒內傷喜怒或六脉沉伏

或指下浮盛並宜服之兼治痰厥飲厥及氣虛眩

暈悉有神效但口開手散眼合遺尿聲如鼾鼻者

並難治療

南星

一兩

川烏

半兩

生附子

半兩

木香

一分

右咬咀每服半兩水二盞薑十片煎至六分去渣
溫服或口禁不省人事者用細辛皂角各少許爲
細末以蘆管吹入鼻中候噴嚏其人少蘇然後進
藥痰涎壅盛者每服加全蝎四枚仍用養正丹鎮
墜之一法氣盛人止用南星半兩木香一錢加生
薑七片煎名星香散一法氣虛人用生附子并木
香如前數煎名附香飲亦有天雄代附子者並治
卒中始作無不尅效 因氣中以淨湯化蘇合香

丸乘執灌服仍用前藥汁濃磨沉香一呷許再煎

一沸服之候服前藥已定審其的然是風方用醒

風湯小續命湯之類 中寒只用附子理中湯姜

附之類中濕則白朮酒朮附湯之類皆可用 中

暑不錄於此痰飲厥逆氣虛眩暈止守本方

五生丸

李仲南傳
治痲有神

南星

半夏

川烏

白附子

各一兩

大豆

去皮秤
一錢半

右細末滴水爲丸桐子大每服三丸至五丸不得

過七丸姜湯下

局方生白丸

治風大痛
筋脉掣急

白附子

三兩

南星

三兩

半夏

七兩

川芎

半兩已上
交咀

銀器磁器內將水煮
五沸取出焙乾用

右細末糯米麩糊爲丸如桐子大生姜湯下二十

丸不拘時

局方青州白丸子

治男子婦人半身不遂手足頑麻口眼喎斜痰涎

壅塞一切風病他藥所不能療者小兒烏風大人

頭風洗頭風婦人血氣並宜治之

南星

三兩
生用

半夏

水泡七
兩生用

白附子

二兩
生用

川烏

生去皮
臍半兩

右搗羅極細末以生絹囊盛用井花水未去者更

以手揉令出如有查更研排入絹袋擺盞爲度於

磁盆中日曬夜露至晚棄水別用井花水攪又擺

至來日早再換新水攪如此春五日夏三秋七冬

十日去水曬乾後如玉片碎碾以糯米粉煎粥清

爲丸如菉豆大初服五丸加三服至三日後浴當

有汗便能舒展服經三五日呵欠是應當服十粒
以來亦無痰膈塞之患小兒驚風薄荷湯下三兩

丸

易簡青州白丸子

主治脩製
並見本方

南星 白附子 半夏 川烏

右每服五十九丸生姜湯下此藥本方所服丸類極
少恐難愈病今加數服之咳嗽痰實咽喉作聲老
人小兒宜加服之 一切痰涎爲患及中風偏廢
之疾常服悉有神效 若小兒瀉後發熱多作慢

驚常雜以金液丹用之甚驗

男子婦人小兒小

便白濁及思念過多致陰陽不分清濁相干此藥

極能分利 若心多驚悸夜卧不寧或復健忘甚

者狀如癩癩皆由心氣鬱結或思慮傷脾致痰飲

患節迷亂心經之所致也不宜劇用涼心之劑常

服此用溫膽湯佐之 若心中怔忡嘈雜暈眩頭

目昏沉肌肉瞶動頸項強痛四肢痠痛手足戰曳

甚者半身不遂多因痰飲使然若例作心病風病

并寒濕治之恐非其宜亦當用之仍以痰飲之

劑服無不應手而愈一方用南星白附子等分半
夏倍之滴水為丸服之亦效

白茯苓丸

此皆治
癩症

南星 半夏 白朮 白附子 茯苓 白礬

右細末生姜汁滴丸菴豆大生姜湯下二三十丸

無時

二白丸

此二味五分溫
涼不可不察

白礬

一塊約
一兩許

右用生蒸餅裹蒸熟去皮臨丸入輕粉一字或半

錢量虛實加減丸桐子大每服二三十丸姜湯下

小兒丸小

小靈寶丹

附子

炮二
兩

天麻 全蝎 白姜蚕

炒

藿香葉

南星

白附子

炮各
半兩

右細末酒糊丸桐子大溫酒下十五丸

靈寶丹又有草烏黑豆製謂之寤靈寶丹

枹耗丸

枹杞

真者
一兩

薑屑

一兩

半夏

天麻

白礬各一兩

右爲細末好酒和作團以生蒸餅劑裹藥蒸熟去上薄皮搗和勻如硬酒酒些小可丸

治癩方治太陽陽明二經爲病

荊芥穗

四兩

白礬

三兩爲細末

右棗肉九桐子大每服二十九荊芥湯下次服三十九次服四十九次五十九食前

食療云蛇脫皮主去風邪明目治小兒一百二十種驚癩寒熱腸痔蠱毒惡瘡安胎熬用治蛇癩弄舌

搖頭者宜用全脫也

狂邪顛癩時欲卧眠自賢自智驕居安行一體方能此

安臟下氣

右用白雄雞一隻煮熟五味調和作羹粥食之

古鏡味辛無毒主驚癩邪氣小兒諸惡疾煮取汁和諸藥煮服之文字彌古者尤佳

南星半夏例

加黃芩爲小黃丸

加人參苦葶藶爲定喘丸

又一法加硃砂煮半夏白附子糊丸桐子大每服十

去積消
痞傷食
感寒治
脾胃之
妙藥

五丸生薑湯下薄荷湯亦可

易簡紅丸子

脩合治療之法並見局方

蓬朮

三稜

橘皮

青皮

胡椒

乾姜

阿魏

礬石

右每服六十九丸姜湯嚥下大治大人小兒脾胃之

證極有神效但三稜蓬朮本能破癥消癖其性猛烈人不以此爲常服之劑然今所用者以生產之處隔棗二藥不得其真乃以紅蒲根之類代之性雖相近不功力不同應老弱虛人小兒姪婦以其

治病不能傷耗真氣故服之兼疑此藥須是合令
致用好米醋煮陳米粉爲丸若脩合之時常去
阿魏礬石小橘皮煎治尋常飲食所傷中脘痞滿
服之應手而愈六病之後穀食難化及治中脘
停醋並生薑湯下脾寒瘡疾生薑橘皮湯下

心腹脹痛紫蘇

橘皮湯下

脾寒作楚薑蒲湯下

酒疸穀疸遍身昏黃大麥湯下

兩脅引乳痛沉

香湯下酒積食積面黃腹脹時或乾嘔煨姜湯下
婦人脾血作楚及血癥氣塊經血不調或過時不

來並用醋湯嚥下寒熱往來者尤宜服之產後
狀如顛癇者此乃敗血上攻迷亂心神所致當以
此藥熱醋湯下其效尤速男子婦人有顛癇患
者未必皆因心經蓄熱亦有因胆氣不舒遂致痰
飲上迷心竅故成斯疾若服涼劑過多則愈見昏
亂常以此藥衣以辰砂用橘葉煎湯嚥下名小鎮
心丸 妊婦惡阻嘔吐全不納食百藥不治惟此
最妙乃佐二陳湯服之但人疑其墮胎必不信服
每易名用之時有神效但恐妊婦服之此後偶爾
損動必歸咎此藥故不敢極言其效

局方紅丸子

治丈夫脾積滯氣胞膈滿悶面黃腹大四肢無力
酒積不食乾嘔不止皆脾連心胞及兩乳痛婦人
脾血積氣諸般血癥氣塊及小兒食積骨瘦面黃
腹脹氣息不嗜飲食漸成脾勞不拘老幼並宜服
之

廣茂

五斤

青皮

五斤

胡椒

三斤

乾姜

三斤

陳皮

四斤去
白辣淨

京三稜

三斤水浸令
軟切作片子

右件六味並爲細末醋糊丸桐子大礬紅爲衣每服三十九食後姜湯下小兒臨時加減與之

局方蘇合香丸

療傳屍骨蒸癘瘧肺痿瘵忤鬼氣卒心痛霍亂吐利時氣鬼魅瘴瘧赤白暴利厥血目閉痲癩疔腫驚癩鬼忤中人小兒吐乳大人狐狸等病

蘇合香油

一兩入安息膏內

白朮

二兩

青木香

二兩

硃砂

二兩礬水飛

白檀

剉三兩

薰陸香

另研一兩

沉香

二兩

烏犀

錫屑二兩

安息香

二兩

無灰酒

一升

香附子

去皮二兩

訶梨勒

取皮

龍腦

研一兩

麝香

一兩

華撥

三兩

右細末入研藥勻用安息香膏并煉白蜜和劑每服施丸桐子大早取井花水溫冷任意化服四九老人小兒可服一丸溫酒化服空心服之用蠟紙裹一丸如彈子大緋絹袋當心帶之一切邪神不敢近

易簡蘇合香丸

主治脩製並見前局方

每服一二丸沸湯少許化服治卒中昏不知人事

及蠱亂不止及心腹撮痛鬼注客忤癩癩驚怖或
顛撲傷損氣暈欲倒凡是倉卒之患悉能治療治
隨身不可暫闕辟諸惡氣并禦山嵐障氣無以喻
此若吊喪問疾之處尤不可無但市肆所賣多用
腦子當以火上焙去能者以酒調服若用心過度
夜卧不安尤宜服**功效不可具述**

返魂丹

治小兒諸風癩癩潮發癰瘰口眼相引項背強直
身關緊急目睛上視及諸病久虛變生虛風多睡

皆因在再不解宜服之

烏犀

錫屑
二兩

水銀

半兩

天麻

酒洗
切焙

煨榔

各去
皮

姜蚕

去絲嘴
微炒

硫黃

半兩為末明磁蓋慢火養却
入水銀急炒去青成砂要知

緊獨活

去
蘆

川烏

燒通赤焰烟少許合
舊新上卷之冷傾出乾竭炙

草撥

各一
兩

肉桂

去麁
皮

防風

去
蘆

沉香

槐膠

當歸

去芦酒浸
切焙炒黃

細辛

根

天南星

易洗姜自然汁煮
軟細切焙乾炒黃

阿膠

杵碎蛤粉
炒如珠子

藿香葉

去梗
土

烏蛇

酒浸一宿炙令
熟去皮骨用肉

白花蛇

酒浸一宿炙令
熟去皮骨用肉

羌活

去
蘆

白附子

炮一
兩

麻黃

去根
節

半夏

湯炮姜
汁浸三

宿炒

羚羊角 鎊

陳皮 去白已上 各一兩

天竺黃 研

木香

人參 去

乾姜 炮

茯苓 去皮

蔓荊子 去

皮

晚蚕紙 微炒

藁本 去土

敗龜板 醋酒塗

虎骨 醋酒

桑礪蛸 炒

白芷

何首烏 米湯浸

虎骨 乾

枳殼 去白

黃

縮砂仁

丁香

白木 汁浸

枳殼 去白

川芎 炒

厚朴 去籠皮

姜汁 全炙

蟬殼 去土

川芎 炒

附子 水浸

炮石斛 去根

肉豆寇 去壳

龍腦 另

麝香 一錢

牛黃 研

烏鷄 一隻

去

狐肝 三具

雄黃 研水

麝香 一錢

入風例

綱

金箔 二十箇 爲衣

右藥五十八味並湏如法製造并令細煉窰和合

入酥卽搗二五千十丸如桐子大金箔爲衣每一

歲兒温薄荷自然汁化下無時

入風例

海藏云捷萬物者莫疾乎風風者百病之長善行而

數變衝蕩吹擊而無窮從前來者爲虛邪從後來

者爲實邪自病者爲正邪假令春得金風是爲賊

邪非總牖之風爲賊風也故古人云虛邪賊風避

之有則

局方八風丹

半夏

白礬製
一兩

白姜蚕

炒

白附子

炮各
五錢

天麻

酒
浸

龍

麝香

研各二
錢半

寒水石

燒赤水
飛半斤

右細末入碾藥再碾勻煉蜜丸櫻桃大細嚼一九

荊芥湯茶湯任下食後服

辰砂天麻丸

天麻

二兩

南星

二兩姜汁
浸切片

川芎

二錢

白附子

炮五
錢

白芷

一錢入
分半

麝香

二錢二
分半

石砂

五錢
桑一
半為末

右細末水糊丸桐子大荊芥湯下二十九無時

辰砂丸

治心熱驚風
痰涎壅塞

辰砂

半兩

半夏

湯洗
一兩

蝎稍

焙一
錢

白附子

焙二
錢半

白姜蚕

炒二
錢

牛黃

一錢

硼砂

一錢
研

右細末糊丸桐子大生薑荊芥湯下二十九無時

麝香全蝎散

治小兒
驚癇

麝香

硃砂

各半
錢七

全蝎

一箇
大者

右三味碾爛熱酒調下空心

立應散 治急慢驚風

麝香 少許

蝎稍 二錢

金頭蜈蚣 分開

右爲細末鼻內噴隨左右用之

徐老丸 權藥皆生用常服皆製

南星 半夏 蛤粉 白礬 乾姜 大黃

黃連 黃蘗 牽牛

解語丸 治中風言語造次不正

白附子 石菖蒲 遠志 全蝎 羌活

天麻 南星 白姜蚕

右爲細末蜜丸豆大服之

玉液丸 主治寒並見苟方

半夏 洗 白礬 寒水石 燒

玉芝丸 主治並見本方

人參 白礬 茯苓 南星 半夏

薄荷

人參半夏丸 玉芝加蛤粉

藿香 黃連 黃蘗 乾姜 寒水石

右末之上主藥並用糊爲丸

與藏用丸相和爲搜風丸與金花丸相合爲軟金花

丸

局方通聖白花蛇散

生治並
用本條

天麻 赤箭 防風 厚朴 藁本 海桐皮

葦撥 木香 不見 肉桂 杜仲 山藥

當歸 甘草 菊花 羌活 虎骨 醋 白芷

乾蝎 牛膝 酒 白花蛇 威靈仙 去 蔓荊子 去

郁李仁 白附子 以上各
等分

右細末每服一錢或二錢溫酒調下荊芥湯亦得

空心服久病之人尤宜服之

木香保命丹

通聖白花蛇細散 星蟬蠶獨麝均攤

蜜丸如彈朱衣色 便是木香保命丹

仲景皂角丸例

皂莢丸 治效逆上氣燥
瀾立坐不臥

皂角一物杵末蜜丸桐子大大棗膏汁下

又一法加半夏一法加大黃一法加牽牛利膈一

法加槐莢子青皮半夏黑牽牛 右用生姜糊丸

桐子大生姜湯下一十五丸 孫真人治大小便
不通關膈不利燒皂莢粥飲下三錢立通

崔元亮治咳嗽腹脹

灸皂角去弦

右細末蜜丸桐子大肉汁下十九粒後忌肉一月

皂角爲君 一法加神麩 麥孽 半夏

白礬 南星 青皮 陳皮 白芷

右細末姜糊丸桐子大每服三十九丸姜湯下硃砂

爲衣

皂莢半夏湯治痰喘中不散

皂莢五大錠打碎半重五兩二味同煮一日去

皂莢取半夏晒乾爲散每服一錢水一鍾生姜

十片葱白三莖煎六分去渣溫服無

衍義云治風涎潮熱寒氣不通

皂莢灸一冊 白礬生半兩

輕粉半錢

右末之水調一二錢灌之須臾吐涎用丸者分膈

下涎也

皂莢治喉閉遂巡不救方

皂莢

去皮子生半兩為細末筋頭點少許在痛處更以醋糊藥末厚塗頂上須臾便破血

效 出立

皂莢丸

治咳嗽 久不差

皂莢

不以多少去皮莖 酥炙黃焦去子

右為細末蜜丸桐子大每服十九臨卧桑白皮煎

湯下

治燾中久病濕熱

皂莢與蒼朮燒之以辟濕熱疫氣温邪

治遠年近日休息利皂莢不蛀者不以多少土磚燒

有焰盆子合定以土圍之存性搗為末每服二

錢茶末一錢相和白湯點服病雖大不過三五

愈日可二服

枳殼丸

皂角

二兩酥炙 去皮子

枳殼

二兩 楚殼

木香

檳榔

半夏

各半 兩

右為細末姜糊丸桐子大姜湯下三十丸食後

卧服

祛風丸

皂莢君 車前子 赤茯苓 水香 檳榔

枳實 大黃 牽牛 青皮 陳皮

半夏

右為細末米飲丸桐子大三十九丸姜湯下

備急五噎丸

皂莢 乾薑 桂各等分

右為細末蜜丸桐子大酒米飲下五丸

小枳殼丸

枳殼 茯苓 白朮 乾薑 半夏各等分

檳榔木香例

導飲丸

枳殼 木香 檳榔 青皮 白朮 陳皮

半夏 茯苓 三稜 廣茂各等分

一法加牽牛用生姜自然汁糊為丸

三倍丸

木香一兩 青皮二兩 半夏三兩

右細末姜糊丸姜湯下

小檳榔丸

木香

一兩二錢半

檳榔

枳實

二兩五錢半

大黃

五兩

牽牛頭末

二兩

右細末水丸加青皮為氣針丸一法去大黃加乾姜以其所傷有寒熱之異也去枳殼大黃加陳皮乾姜為檳榔丸

大檳榔丸

木香

三錢

檳榔

三錢

枳殼

半兩

大黃

一兩

青皮

半兩

陳皮

半兩

黃連

黃柏

廣茂

冬各三錢

香附子

炒

牽牛末

以上各一兩

右二藥生姜糊丸豕豆大姜湯下二十九並實熱

人可以服

一法枳實木香檳榔青皮陳皮三稜

廣茂枳殼夫黃牽牛為細末糊丸桐子大 一法

去大黃牽牛加神麩麥蘖

三稜丸

治男子婦人癥瘕痞積聚成塊不散堅滿胞膈痞悶飲食不下兩脅時痛一切腹脹積聚等證並皆治之

人參

三錢

木香

三錢

檳榔

三錢

白朮

一兩

三稜

一兩半

廣茂

六錢半

右細末生姜汁糊丸桐子大臨卧生姜湯下三四十九

各一服

木香三稜丸

木香

半兩

三稜

一兩半

廣茂

一兩

香附子

四兩

右加甘遂爲泄水丸

加甘遂牽牛茴香爲泄水

散姜汁調下

子和泄水丸藏用丸一料加甘遂

一兩

泄水散

牽牛頭末

一兩

木香

二兩

茴香

一兩

甘遂

三錢半

右調細末姜汁調一二錢

錢氏宣風散

牽牛末

一兩

栝榔

二斤

陳皮

甘草

各半兩

右細末食前蜜水調半錢或一錢

錢氏利驚丸

輕粉

錢一

天竺黃

二錢

青黛

一錢

牽牛末

半兩

右細末蜜丸豌豆大薄荷湯下

加半夏爲軟金

丸

守真藏用丸 遍身疼痛者加白芥子為應痛元

大執瘡痒者加芒硝為解毒丸 腸胃燥澀者加

郁李仁為潤腸丸 日久成積者加蜜陀僧為消

積丸 加菹仁為菹仁丸 加桂陳橘皮茴香為

和中丸 加木香檳榔為彌善丸 加薄荷川黃

連川芎為神芎丸

通聖散加 地骨皮 甘菊花 生地黄

蜜丸通聖菊花丸 加天麻甘菊熟地黃蜜丸為

通聖天麻丸 石藥丸如彈子大每服一丸

大抵通聖散解利治實人外傷傳滲有形大便結者

效非仲景本藥也與易老羌活散加大黃同意若

內傷冷物寸口小者變證必矣戒之戒之

泄水丸散治脚瘡中痛法在十棗湯後蓋厥陰分也

木香定痛丸

治遠年近日患腰脚疼痛不能起坐氣血凝滯走

產疼痛一切腰痛

木香兩半 青皮二錢 陳皮二錢 大黃一兩

黑牽牛

二兩一本
本七錢

甘遂

二錢

茴香

二錢

川芎

二錢

白芥子

炒一錢半

當歸

三錢半

沒藥

二錢

右細末酒糊丸桐子大每服一十五丸二十九食
前臨卧温湯下

仲景附子湯

此下五方當
在少陽條下

附子

人參

白朮

茯苓

芍藥

四物附子湯

治風濕相搏骨節煩痛四肢拘急不可屈伸近日

則自汗出而氣短小便不利惡風不欲去衣或頭
面手足時時浮腫

附子

炮一錢

桂心

八錢

白朮

六錢

甘草

炙四錢

生姜

六錢

右咬咀水一升半煮取八合分三服微汗愈對病
加減 大汗煩者三服三合 體重者加防已八
錢 悸氣小便不利者加茯苓六錢

仲景甘草附子湯 此四物附子湯無乾姜

附子湯 此湯在四君
子湯條下

治濕痺緩風身體疼痛如拆肉弩割雖刺

四君子湯加桂附芍藥 白朮附子為君而多

右七味水一升煮六合分三服對證增損

易簡附子湯 與附子同在少陰姜附湯下

萬病無憂散

木香 胡椒各半錢 黃芪 木通 陳皮

桑白皮 白朮各一錢 黑牽牛末六錢

右七味細末二錢七牽牛末二錢七空心姜湯調

服

積實丸

枳實三錢 大黃半兩 牽半兩

右三味為末與子和細水丸為小兒通膈丸加皂

角為祛風丸

搜風利膈丸

大黃二兩 牽牛二兩 芒硝半兩

右細末糊丸菘豆大量虛實加減

玄胡丸

古方玄胡丸 此藥當在無條論內外感也

玄胡

兩一

青皮

錢五

陳皮

錢五

乾姜

錢三

木香

三稜

廣茂

各四錢

當歸

雄黃

另礮各三錢

右細末酒糊丸桐子大

洗洗麩蘖丸

青皮

去白

陳皮

去白

三稜

廣茂

木香

檳榔

半夏

製

白朮

麥蘖

姜屑

神麩

各等分

右為細末糊丸溫水下二三十九無時已上凡泄

後服白粥一二日忌油膩肉食恐成疝也

醫壘元戎卷第十二

